



UNIVERSITÄTS-
BIBLIOTHEK
PADERBORN

**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

Tit. 43. De arbitris.

[urn:nbn:de:hbz:466:1-62177](#)

TITULUS XLIII.

De Arbitris.

§. I.

Qui dicantur Arbitri.

1. 2. *Ratio ordinis & nominis.*
3. *Arbitri ali sunt juris, ali sponte adsumuntur;*
4. *Et horum ali sunt Arbitratores, ali Recepti
seu compromissarii.*
5. *Differentia inter Arbitros & Iudices.*

Tra statum fuit antea de officiis Judicum, tam ordinariorum, quam delegatorum, deque praeparatoriis iudiciorum. Pergendum nunc est ad ipsa iudicia: verum quia & Arbitri sunt quodammodo Judices, ad quos recurrent solent homines, priusquam ad iudicia perveniant, ut per eos controversiae absque strepitu facti, & breviori tempore, si fieri possit, terminentur & loquuntur, atque hoc modo, impediatur litis ingressus, eviteturque iudiciorum mora & sumptus, aliaque incommoda; ideo merito nichil permittitur de Arbitris.

2. Dicitur Arbitrus ab Arbitrando, id est & stimando. Est enim Arbitrus vir bonus, ad aliquod negotium estimandum & terminandum electus.

3. Arbitrium duplex est Necessarium, & Voluntarium. Solent enim Arbitri adsumi, vel ex necessitate iuris, aut statuti, vel sponte. Ex necessitate iuris, ut in causa suspecti Judicis: in qua adsumuntur arbitri iuris, qui de causa suspicio- nis cognoscant, c. *Suspicionis sup. De officio delegati.* l. *Apertissimi & l. fin. & ibi Barr. & DD. Cod. De judicis:* sicut & quando statutum habet, quod causae inter coniunctos compromittantur. *Abbas in e. Cum dilectus 9. col. 7. h. 1.* Item quando est questio de revocatione rescripti, c. *Postoralis 14. sup de rescriptis:* aliiisque casibus a iure expressis. Et hi appellantur Arbitri iuris.

4. Rursus sponte dupliciter adsumuntur, nempe vel simpliciter & sine aliquo iudicis ordine, ut si in aliquem fiat compromissum, qui de re arbitretur & statuat, prout & quem sibi videbitur, sine aliquo iuriis or-

dine. Et talis vulgo Arbitrator seu Amicabilis compositor vocari solet; ejusque arbitrium semper referri debet ad arbitrium boni viri, Se- cistatem §. *arbitrarum D. Pro socio.* Vel sic adsumuntur, ut de controversia sibi commissa, servato juris ordine, pronuntient. Et hi proprii Arbitri dicuntur, & in D. & Cod. vocantur Arbitri recepti, quia ex receptione: id est, ex compro- misso (ut interprétat Justinianus in l. Remm novam Cod. de iudicis) ad dirimendam contro- versiam eliguntur. Unde etiam Arbitri Com- promissarii appellantur; & tales in dubio potius videntur electi, quam arbitratores. Deque horum arbitriis dicitur, quod sint reacta ad similitudinem iudiciorum, l. D. cod. nam citat coram se partes: libellum petitionis sibi edibus, testes examinat, & ut summatum dicat, causam secundum iudicium ordinem per senten- tiam non secus quam Judices terminant.

5. Licer non pari potestate, quia arbitrorum potestas est privata, & ab ipsis compromittentibus competit, quorum, ut privatorum, consensu iudicem facere non potest cum, qui nulli praest iudicio, l. 3. *Cod. De iurisdict. om. iudic.* Neque iurisdictionem habeut, sed tantum cognitionem. At vero Judicum potestas est publica & iurisdictionem habent, ac proinde possunt mol- tare partem, eidemque ob contumaciam denun- gare audientiam, compellere testem, & falsa de- ponentem punire, quia id potest habens iurisdi- ctionem. Magnam tamen affitatem habent cum Judicibus, maioremque cum delegatis, quam cum ordinariis, ut patet d. l. *Apertissimi b. cod. ibi, quasi arbitri fuerint &c.*

§. II.

Quo pacto fiat compromissum.

1. *Fit vel adiecta pena.*
2. *Vel nulla pena adiecta.*
3. *Ex sententia arbitri jure D. & Cod. quando di- tur actio.*
4. *Iure Canonicco semper standum esse compromis-*

1. **C**ompromissum vero in arbitrios fit tribus modis, vel adiecta pena, vel simpliciter non adiecta pena, vel cum iure in- dando. Et quidem primo fit penalis stipulatione adiecta, ut latenter pena stetur compo- missa

miso. Nec refert, qualis sit pena, an certa aut incerta summa compromissa sit, an vero aliud quid. *I. Non autem 28 D. eod. dummodum utrumque promittatur, l. Litigatores 11. §. 4. D. eod.* Et hoc casu is, qui compromisso vel sententiae arbitrii non fterit, penam solvere tenetur, eaque soluta a compromisso & sententia arbitrii liberatur, non solum jure civili, *l. 1. & Auth. Decernit jus novum Cod. eod. sed & Canonico, c. Dilecti 4. &c Per tuas 9. b. t.* etiam si taciturnitas decem dierum intervenerit, *jurta DD. in l. Cum ante C. eod. nisi una cum pena adjecta sit clausula, Mamente compromisso;* secundum *Glos. in d. e. Dilecti in fine:* quia cum in effectu sunt duo compromissa, unum penale, alterum purum, ex quo etiam soluta pena agi potest.

2. Interdum vero nulla pena adicitur: & tunc contra non statutum compromisso competit actio ad intereste, d. cap. Per tuas, ibi, at simulata.

*3. Ubi observandum est discrimen inter jus D. Cod. & Canonicum: nam jure D. ex sententia arbitrii, nisi pena per stipulationem adjecta esset, aut compromisso fuisset stipulatione confirmatum, non nascebat actio vel exceptio, quoquomodo fuisset compromisum, l. 2. D. eod. eò quod jure civili ex nudo pacto non detur actio. Secus obtinuit in sententia Judicis, ex qua nascebat actori actio: & reo exceptio, *l. In iudicati D. de re iudicata & tot. ut. D. De except. res judicata.* Jure Codicis ex sententia arbitrii homologata, id est expressim approbata, veluti per subscriptionem, vel saltem tacite, nimurum per silentium decem dierum, nascitur actio & exceptio, sive pena fuerit adiecta, sive non, *d.l. Cum ante a 5. C. eod.* Quod si juratum sit compromisum, cunctam statim nascitur & actio & exceptio, *l. Ne in arbitria 4. Cod. eod.* Si juratum non sit, tunc intra decem dies ab arbitrio testificari licet, ac proinde utile erat stipulari eo jure penam. Ceterum Justinianus postea vetuit compromisum fieri sub juramento, *d. Auth. decernit jus novum.**

4. At jure Canonico semper & indistincte standum est compromisso, sive fuerit homologatum, sive non; sive adiecta fuerit pena vel per stipulationem vel per nudum pactum, secundum sententiam corum, qui existimant

jure Pontificio ex nudo pacto dari actionem; sive non fuerit adiecta pena, quia hoc calu, si arbitrio non stetur, competit actio ad intereste, *c. 1. & d. c. versua b. t.* Quod si compromisum sit utrinque juramento corroboratum, omnino servandum est, nec solutione ejus quod interest contingit liberatio, ex eo que nascitur actio, *secundum Panormit. in d. e. Per tuas: nisi compromisum contineat peccatum, veluti si arbitrio fuerit arbitratuus, ut pro beneficio detur pecunia; quo calu eriam jurato arbitrio aequiescendum non est, 2. b. t. juxtap. Non est obligatorum De R. l. in 6.*

§. III

In quos & quales compromitti possit seu debeat.

1. Compromitti non potest in servos, neque in mulieres regulariter.

2. Non in excommunicatos.

3. Non in laicum, utique in re spirituali.

4. 5. In alios potest, & in ipsum quoque judicem.

*1. C*um arbitria redacta sint ad formam judiciorum, *l. 1. D. eod.* sicut non omnes sunt idonei ad suscipiendum iudicium, ita neque omnes ad recipiendum arbitrium. Ideoque personarum delectus habendus est, diligendique, qui Canonibus aut Legibus non improbantur: prout in primis improbantur servi & mulieres, *l. Padua 7. D. eod & l. fin. Cod. eod.* nisi tamen mulier de jure communii vel consuetudine iurisdictionem ordinariam in subditos suos habeat, uti Abbatissâ v.g. *e. Dilribâ tit.* vel ex privilegio Principis, *juxta norata in cap. Super quibusdam inf. De verb. significat. l. Hoe jure 5. ductus aqua D. De aqua quorid. & astiva. Marcus Ant. Peregrin. De compromissis, q. 2 num. 38.* quod magis est, quam esse arbitrum.

2. Secundum, Furtosi, surdi, muti, l. Sed si o. 6. 1. D. eod. Tertiò, Minoris xx. annis, l. Cum lege 41. D. eod.

Quarto, Excommunicati, quia tales à communione fideliū excluduntur, *c. penult. inf. De sent. excommunicat. servata tamen moderatione de qua postea ex Conc. Constantiensi, de duobus tantum generibus excommunicatorum hodie vitandis.*

3. Similiter Laicus non potest adsumi in re spirituali, c. Contingit 8. hoc tit. nec principaliter

nec

nec incidenter, cap. Decernimus inf. De judiciois, Marc. Aut d. q. 2. n. 62, nisi adsumatur junctum cum Clerico, ex auctoritate Judicis Ecclesiastici, e. Per tuas h. t. de cuius intellectu latè Covat. Praed. q. 34. n. 1 Alioquin in causa quoque civili potest in laicum etiam à Clericis compromitti, d. c. Dilecti h. t.

4. Ceteri vero in arbitros eligi non prohibentur: & parvi reket, ingenuus quis, an liberinus sit: integræ famæ sit arbiter, an ignominiosus, d. l. Padius 7. in princ. D. eod. paterfamilias, an filius familias, etiam in re patris; Clericus, an laicus, modo antea dicto.

5. An autem in ipsum quoque Judicem compromitti possit, dubitari potest, propter l. Sed si § 2. D. eod. Sed verius est posse, sive delegato, sive de ordinatio Judice agatur, per text. in e. Cum tempore 5. e. cum olim 7. e. ex parte 10. b. t. e. Literas 14. inf. De presumpt. c. Nisi 21. inf. De prob. modo id fiat à partibus sponte, non autem jubente Judge; quo sensu accipi debet, d. §. 2. l. sed si.

§. IV.

In quot compromitti possit, & quæ Arbitrorum sit potestas,

1. Compromitti potest in unum vel plures, pari vel impari numero.

2. 3. Non ita tamen, ut in causa discordia ipsi tertium adsumant.

4. In sententia ferenda oportet omnes esse presentes.

5. Exceptio.

REDE compromittitur in unum vel plures, pari vel impari numero; quamvis consiliius fuerit, ut impari numero adsumantur, cap. 1. b. t. ut si non omnes, saltem major pars consentiat, cuius arbitrio stetur, ne obmutuam dissensionem utrumque parem facile contingat arbitrium impediri, cap. 1. b. 1. l. Item sumus 17 § 6. D. eod. Hinc si ex tribus arbitris duo condemnent in decem, & tertius in quinque, prævalebit sententia duorum, concurrentium in decem. Si vero omnes discordent, v. g. si unus condemnat in quindecim, secundus in decem, tertius in quinque, tenetur sententia de summa minori, quæ majori inest, cap. eod. in 6. Dixi, consiliius esse, ut, arbitrii adsumantur, unus, tres, vel plures, sed impari numero; hoc enim consiliius potius est, quam præcepti &

nam & in duos, quatuor, vel plures, ac parvimo, compromittere licet, e. 1. § 3. hoc t.

2. Nullum tamen compromissum valeat, quo ita compromittitur in duos vel plures, ut in causa discordia ipsi met arbitrii elegant tertium aliquem, vel plures, nemine nominato, cap. Innotus 12. & ibi laius Glossa à t. tum quia, ut dicitur in d. l. item sumus 17. § si in duos D. eod. dissentient forte in illo testio adsumendo: tum quia eligerent forte talē, quem si prævidissent ligantes electum iri, eligi noluissent. Verum si haec fuerit in duos compromissum, ut, si dissentirent ipsi tertium adsumerent, Sempronius v. g. vallet compromissum, quia in adsumendo testio dissentire non possunt, d. §. Si in duos.

Nec obstat, e. Cum à nobis 13. b. t. ubi contrarium statui videtur, nempe valere compromissum, in unum vel plures factum, ut ipsi per se causam definiant, vel per alios, quos ad hoc elegerint: tum quia in calu illius Cap. Legatus, in quem compromissum erat, à seipso in eligendo dissentire non poterat. Deinde non eligerat arbitros, sed arbitratores, in quos etiam incertos compromitti potest: neque enim arbitratorum sententia ita præjudicat litigibus, atque arbitrorum. Nam si arbitratorum sententia sit iniqua, non tenentur compromittentes ei stare, sed reducitur sententia eorum ad arbitrium boni viri: arbitrorum vero sententia omnino acquiescendum est, sive æquum sit, sive iniquum, quod arbitrati fuerint, l. Sicut tam 76. D. pro socio.

4. Porro pluribus adsumptis arbitris, omnes in sententia ferenda præsentes sint oportet: alioqui uno absente, si etiam alii consentiant, arbitrium non valebit, quia in omnes fuit compromissum, & potuit præsentia unius ceteros trahere in aliam sententiam, per text. & ibi Glossa in l. Item sumus 17. § 2. & § ult. al. l. Si in tri D. eod. * 5. Nisi adjectum esset, ut, uno vel altero absente, reliqui nihilominus procedere valeant l. non distinguamus 32. §. cum in plures 13. D. ill. aut si absens legitimè requisitus, cessante legitimo impedimento, nolit interesse causæ cognitioni aut definitioni: nam tunc ex juris canonici dispositione, in e. 2. eod. in 6. contra Juri civilis dispositio nem, in d. §. Si in tres, ceteri præsentes poterunt examinare negotium & libertate definiere, non minus, quam eo præsente, nec vo-

lent

Iente cum eis in unam sententiam convenire; ut
sic absentia illius, praesentiâ repletâ divinâ, cum
faciat reputari pro praesente, d.c. 2. Secus consti-
tutum in tribus judicibus simpliciter delegatis,
quia majori maturitate datur, d.c. 2. *Eibi Gloss.*
¶ *Dicitur.*

§. V.

Super quibus compromitti possit, vel
non.

1. Non potest compromitti super causâ matrimonii.
2. Non super rebus spiritualibus.
3. Non ab exemptionis in prejudicium exemptionis.

C_Om promitti in arbitros potest super
qualibet causa. Canonibus aut legibus
non prohibita, ne super ea compromittatur.
In primis igitur, sicut non potest transfigi in
causa matrimonii, ita nec compromitti, e. 5^a
parte ult. sup. *De transact. ob magnum animæ*
periculum, quod in ea causa veritur.

2. Secundum, non potest compromitti super
translatione Episcopi, vel aliis rebus spirituali-
bus, veluti beneficis Ecclesiasticis, nisi id fi-
at auctoritate superioris, cap. *Ex parte 10. b. t.* ne
viriosus ad beneficia, quæ non nisi Canonice
institutione acquiri possunt, detur ingressus.

3. Tertiū, exempti & immediate subjecti
summo Pontifici, absque ejus auctoritate seu
licentia compromittere nequeunt, in prejudicium
exemptionis, cap. *Cum tempore 5. hoc tit.*
quid vergere in prejudicium ejusdem Pon-
tificis, cuius potius agitur jus, quod sibi in ex-
emptos reservavit, quam ipsorum exemptioni-
rum. Deinde etiam jure civili non potest fieri
compromissum in arbitros, ubi agitur causa
libertatis, quia, ut inquit Paulus J.C. a. l. Non
distinguimus 32. §. De liberali 7. D. eod. favor
libertatis est, ut maiores judices habere debeat:
arqui causa exemptionis magna affinitatem
habere videretur cum causa libertatis, d. cap. *Cum*
tempore, in verbis, contra libertatem ipsius Mo-
nasterii, & in verbis, prærogativi vel indulgentiæ
liberatio.

An verò Prælatus Ecclesiæ possit compro-
mittenre super rebus Ecclesiæ, & an tale com-
promissum transeat ad successorem, vide remi-
ssiæ apud Marantam, p. 4. *Distinct. 14.* & Mar-
cum Antonium *De compromissis q. 4. in V. Res pre-
bitalia alienari.*

§. VI.

De effectu compromissi & sententiae Ar-
bitrorum.

1. Pendente arbitris coram judge agi non potest
parte invita.
2. Arbitri à suscepto semel arbitrio resilire non pos-
sunt.
3. Sententia arbitrorum standum est.
4. Neque ab ea appellatur.

A_Rbitri potestas omnis ex ipso compromis-
so dependet. Non ergo quodlibet statuere
arbiter poterit, nec in qualibet, nisi de qua
compromissum est, & quatenus compromissura
est, i. *Non distinguimus 32. §. de officio 15. D. b. tit.*
1. Semelq; in arbitros facta compromissio nō
potest, pendente arbitrio, causa amplius coram
Judge discuti altero invito; & agere volens,
exceptione pendentis arbitrii repellitur, i. si quis
rem 30. D. eod.

2. Quod si verò ipsi arbitri, semel electi &
suscepto arbitrio, postea causam cognoscere &
definire detrectent, potest Judge eos cogere; quia
liberum quidem est ab initio arbitrium recipere,
cū hæc res sit libera & soluta, & extra necessi-
tatem iurisdictionis posita, sed ubi semel recepta
fuerit arbitrium, iam officium susceptum arbitri
implete tenentur, & ab hoc cogi à Judge pos-
sunt, quia ad Judicem spectat, studere, ut lites fi-
niantur, nec decipi eo oportet, qui aliquem,
quasi virum bonum deceptatorem inter se ele-
gerint, i. *Labeo 3. §. 1. amersi D. eod.*

3. Quantum ad sententiam attinet arbitro-
rum, cū illi ex mutuo consensu partium ad-
sumantur, hodie standum est arbitrio, si ex-
quum sit sive iniquum, e. i. c. *Pertuas e. Exposita*
b. t. sibiique partes impudente necesse est, quod
in talen vel tales compromiserint, i. *Diem pro-*
ferre 27. §. stari D. eod 1. Societatem §. fin. D. pro-
socio. Eriure Codicis sive ex Constitutionibus
Impp. dixi antea competere actionem & ex-
ceptionem ex sententia arbitri, expresso aut
tacito decem dierum consensu à litigatoribus
semel approbata, i. 4. l. penult. *Cod. eodem.*
Nisi forte arbitri formam compromissi excesser-
int, cap. *Cum dilectus hoc tit.* aut sordibus vel
gratiâ ducti sententiam tulerint, i. ita de-
minim D. eod. aut non observato iudicii or-
dine

Q. 2

dine processerint arbitria enim ad iudiciorum similitudinem redacta esse diximus. l. 1. & 2. & ibi Glosa & DD. De eod.

4. Præterea à sententia arbitrii non appellatur d.l. 1. Cod. eod. nisi sit arbitrus iuris, id est ex necessitate iurius adsumptius: nam abhuius sententia recte appellatur, c. Arbitris sup. De officio delegati. Et in huper locus est petitioni pœna si quæ fuerit adiecta, c. 4. & 9. b. t.

§ VII.

Quo pacto Arbitrorum & Arbitratorum finiatur potestas.

Finitur denique potestas arbitrorum & arbitratorum morte eorum, vel alterutrius litigantium, c. Ex parte 10. b. t. quia compromissum pender ex compromitementum voluntate, que voluntas morte extinguitur: nisi in compromisso utrumque heredium facta sit mentio, c. fin. b. t. l. Diem proferre 27. §. 1. D. eod. Secus est in iudicio, quod mortuo altero litigantium transferritur in heriedem, l. Si in quod Roma 34. D. De re judic.

Secundo, re semel per arbitrum seu arbitri-

tos definita, c. Exposita 11. b. t. Et hoc casu, si contingat alterum compromitementum mori, succedit in emolumenatum ac damnum, quod ex sententia provenit, eius hæres, arg. 4. item 17. in princ. D. cod. Ita tamen sententia prolatis finitur compromissum, si de omnibus causis compromisso comprehensus arbitrus vel arbitri pronuntiaverint l. Dicere al. Qualem 19. §. 1. D. b. t. nisi plures inferantur controversiae, nihil sibi commune habentes: tunc enim illud actum videtur, ut posit pronunciari separatim, quia plura sint compromissa, l. Quid tamen 21. 1. princ. & ibi Glosa ac Bart. D. eod.

Tertio lapsu termini, id est dici, in compromisso expressi, l. Si cum dies, alias, l. Quidam 21. 1. §. 5. D. eod.

Quarto, semel commissa pœna, nisi adiecta fuerit clausula Rato manente compromisso, l. Si 34. in fine D. eod. Denique transactione judicio facto seu accepto, & aliis similibus modis, & de quibus Honorius, ad h. t. sub n. 34.

Finis Libri primi.

PARATITLA SIVE SUMMARIA ET METHODICA EXPLICATIO LIBRI SECUNDI DECRETALIVM.

PRÆFATIO.

1. Ratio ordinis.
2. Obiectum huius libri.
3. Methodus & Oeconomia eiusdem.

PO S T Q U A M libro superiori expostum est de fundamento totius juris Canonici, eiusdemque divisione, & in partes suas distributione ac personarum Ecclesiasticarum (a quibus iudicia dependent, & quo in iudiciis Ecclesiasticis intervenire debent, &c. inf. de accusat.) qualitatibus, officiis, officiorum, que distinctionibus, atque aliis eodem pertinentibus, & peculiariis rei controversæ, amicizie magis, quam per gravissimas dissensiones vel judiciales molsteias, definienda ac terminanda modis, tamquam preparacionis quibusdam ad negotia Christianorū peragenda, &c.